

Na osnovu članova 78. i 124. Zakona o visokom obrazovanju, prečišćeni tekst („Službene novine Kantona Sarajevo“, broj: 42/13), članova 92. i 135. Statuta Univerziteta u Sarajevu, članova od 23. do 30. Pravila studiranja za treći ciklus studija na Univerzitetu u Sarajevu, Odluke Senata Univerziteta u Sarajevu o saglasnosti na program III (trećeg) ciklusa (doktorskog) studija Fakulteta za kriminalistiku, kriminologiju i sigurnosne studije u Sarajevu broj: 01-38-622/13 od 06. 03. 2013. godine, Odluke Senata Univerziteta u Sarajevu o davanju saglasnosti za raspisivanje javnog konkursa broj: 01-38-2578-1/14. od 25. 06. 2014. godine, Odluke Vijeća Fakulteta broj: 03-02-1804/14. od 20. 05. 2014. godine i Saglasnosti Ministarstva za obrazovanje, nauku i mlade Kantona Sarajevo broj: 11-05-38-21810-2/14 od 04. 09. 2014. godine i Odluke Vijeća Fakulteta broj: 03-02-3899/14 od 27. 10. 2014. godine, Fakultet za kriminalistiku, kriminologiju i sigurnosne studije u Sarajevu **objavljuje**

## KONKURS

za upis druge generacije studenata na **TREĆI CIKLUS STUDIJA (DOKTORSKI STUDIJ)**  
na Fakultetu za kriminalistiku, kriminologiju i sigurnosne studije u Sarajevu u studijskoj  
2014/2015. godini u drugom upisnom roku

### I

Konkurs se raspisuje za upis studenata na treći ciklus studija (doktorski studij) koji se organizira za naučne oblasti studija kako slijedi:

- kriminalistika ..... 9 kandidata,
- kriminologija ..... 6 kandidata,
- sigurnosne studije ..... 3 kandidata.

Studij se organizira u trajanju od tri studijske godine, a njegovim završetkom stječe se akademska titula i naučno zvanje:

- doktora kriminalističkih nauka iz oblasti kriminalistike,
- doktora kriminalističkih nauka iz oblasti kriminologije,
- doktora kriminalističkih nauka iz oblasti sigurnosti.

### II

Na Konkurs se mogu prijaviti sljedeći kandidati:

1. kandidati koji su stekli diplomu drugog ciklusa studija i akademsku titulu magistra kriminalistike, magistra kriminologije i magistra sigurnosnih studija na Fakultetu za kriminalistiku, kriminologiju i sigurnosne studije u Sarajevu,
2. kandidati koji su stekli diplomu drugog ciklusa studija i akademsku titulu magistra ili ekvivalenta na drugoj visokoškolskoj ustanovi u Bosni i Hercegovini,
3. kandidati koji su stekli diplomu drugog ciklusa studija i akademsku titulu magistra ili ekvivalenta na drugoj visokoškolskoj ustanovi u inozemstvu nakon provedenog postupka nostrifikacije odnosno ekvivalencije i stjecanja uvjeta za upis na doktorski studij u skladu sa uvjetima ovog konkursa,
4. kandidati koji su stekli diplomu magistra drugih srodnih struka iz humanističkih i društvenih nauka,
5. kandidati koji su stekli naučni stepen magistra nauka prije uvođenja bolonjskog sistema, kojima se priznaje 60 (ECTS) bodova.

Kandidati strani državljani prijavljuju se na Konkurs pod istim uvjetima kao i državljani BiH uz uvjet da dostave rješenje o nostrifikaciji.

Visina školarine iznosi 5.000,00 KM po godini studija.

Uz prijavu na Konkurs, kandidati su obavezni dostaviti originalna dokumenta:

- biografiju,
- diplomu o završenom prethodnom obrazovanju,
- uvjerenje o položenim ispitima ili dodatak diplomi,
- rješenje o nostrifikaciji,
- izvod iz matične knjige rođenih i uvjerenje o državljanstvu.

### III

Nastava na trećem ciklusu studija će se organizirati ukoliko se na Konkurs prijavi najmanje pet kandidata po smjeru.

U slučaju da broj prijavljenih kandidata koji su stekli uvjete za upis bude veći od utvrđenog broja, izbor za upis vršit će se na osnovu rezultata postignutih na drugom ciklusu studija.

### IV

Konkurs za upis na treći ciklus studija (doktorski studij) ostaje otvoren 30 dana od dana objavljivanja (drugi upisni rok).

Fakultet za kriminalistiku, kriminologiju i sigurnosne studije u Sarajevu će, u slučaju da i u drugom upisnom roku broj kandidata za upis bude manji od predviđenog broja za upis, organizirati i treći upisni rok.

### V

Prijave treba dostaviti na adresu: Fakultet za kriminalistiku, kriminologiju i sigurnosne studije u Sarajevu, Zmaja od Bosne 8, sa naznakom „Prijave za upis na treći ciklus studija (doktorski studij)” u zatvorenoj koverti.

Dodatne informacije mogu se dobiti u Službi za postdiplomski studij (br. 033/561-232) i Dekanatu Fakulteta (br. 033/561-201).